

CHARLES VII,  
à Bourges,  
le 3 Mai  
1423.

Lettres surreptices impétrées ou à impetier à ce contraires. *Donné à Bourges, le III.<sup>e</sup> jour de May, l'an de grace mil IIII.<sup>e</sup> XXIII, & de nostre regne le premier. Ainsi signé. Par le Roy en son Conseil. M. MORCHESNE. Et au dos estoit escript: Lecta & publicata Piētavis in Curia Parliamenti, & in registris ejusdem Curie registrata, XVII.<sup>e</sup> die Maii, anno Domini M.<sup>o</sup> cccc.<sup>o</sup> XXIII.<sup>o</sup> sic signat. BLOIS.*

*Collatio facta est cum originali, Littera redulta Magistro Guillelmo Draperie. Vigesima die dicti mensis Maii.*

HENRI VI,  
au bois  
de Vincennes,  
le 4 Juin  
1423.

(a) *Lettres de Henri VI, Roi d'Angleterre, soi-disant Roi de France, par lesquelles il ordonne la fabrication de diverses Monnoies blanches & noires.*

**HENRY**, par la grace de Dieu, Roy de France & d'Angleterre, à noz amez & feaulx les Generaulx Maistres de noz Monnoyes: Salut & dilection. Comme pour pourveoir à ce que les matières d'or & d'argent estans en nostre royaume de France, ne soient transportées en autres Monnoyes que es nostres où nous faisons ouvrer de present, nous ayons dernièrement ordonné faire faire & ouvrer en nosdictes Monnoyes, Deniers d'or fin appellez *Salutz*, de LXIII deniers de poix au Marc de *Paris*, à ung quart de carat de remede, ayans cours pour XXV sols tournois la piece, à nos Armes de France & d'Angleterre, en faisant donner pour chacun Marc d'or fin LXII deniers desdits *Salutz* & blancs deniers<sup>b</sup> ayant cours pour X deniers tournois la piece à V deniers de Loy Argent-le-Roy & de VI sols III deniers de poix au Marc de *Paris*, sur le pié de Monnoye xxx.<sup>c</sup> à nosdictes Armes; & pour tousjours entretenir & continuer que noz Monnoyes d'argent soient sur ung même pié & à la forme de nosdictes Armes: par l'advis & deliberacion de nostre très-cher & très-ami Oncle *Jehan*, Regent notredit Royaume de France, *Duc de Bedford*, & de nostre Grant Conseil.

(1) Avons ordonné sur ce faire, en nosdictes Monnoyes, avecques lesdits Blancs ayans cours pour X deniers tournois la piece, Petiz Blancs ayans cours pour V deniers tournois la piece, à V deniers de loy, & de XII sols VI deniers de poix au Marc de *Paris*; en donnant & faisant donner aux Changeurs & Marchans pour chacun Marc d'argent allayé à ladite loy, VI livres XVIII sols tournois.

(2) *Item.* Autres deniers ayans cours pour III deniers tournois la piece, à III deniers de loy argent-le-Roi, de XII sols VI deniers de poix audit Marc, & sur ledit pié; en donnant & faisant donner ausdits Changeurs & Marchans pour chacun Marc d'argent allayé à ladite loy de III deniers, VI livres XII sous tournois.

(3) *Item.* Petiz deniers tournois noirs ayans cours pour I denier tournois la piece, à I denier XII grains de loy argent-le-Roy, & de XVIII sous VI deniers de poix audit Marc, sur ledit pié, en donnant & faisant donner à iceux Changeurs & Marchans, pour chacun Marc d'argent allayé à ladite loy de I denier XII grains, CXVI sous tournois.

(4) *Item.* Petites mailles tournois ayans cours pour une maille tournois la piece, à I denier de loy argent-le-Roy, de XXV sols de poix audit Marc; en donnant & faisant donner ausdits Changeurs & Marchans pour chacun Marc d'argent allayé à ladite loy d'ung denier, CX sols tournois.

Pour ce est-il que nous voulans nostredite Ordonnance estre mise à execution, vous mandons, commandons & expressement enjoignons par ces presentes, que tout le plus brief que faire se pourra, vous fâictes faire, ouvrer & monoyer en nosdictes Monnoyes, lesdits deniers d'argent blancs & noirs de la loy & poix dessusdits, en faisant payer ausdits Changeurs & Marchans, les pris dessusdits, & autres tels pris au-dessoubz d'iceux que bon vous semblera estre à faire pour le gouvernement de nosdictes Monnoyes; & avec ce fâictes payer aux ouvriers & monnoyers tel salaire pour leur ouvrage & monnoyaige comme vous verrez qu'il fera à faire de raison. De ce faire vous donnons pouvoir & mandement especial. Mandons & commandons à tous noz Justiciers, Officiers & Subgectz, que à vous, en faisant les choses dessusdites, leurs circonstances & deppendances, obeissent & entendent dilligemment. *Donné au bois de Vincennes, le IIII.<sup>e</sup> jour de Juing, l'an de grace mil IIII.<sup>e</sup> & vingt-trois, & de nostre regne le premier. Ainsi signé: Par le Roy, à la relacion du Grant Conseil, tenu par Monf. le Regent le Royaume de France, Duc de Bedford, J. MILLET.*

N O T E.

(a) Registre E de la Cour des Monnoies de *Paris*, fol. II vingt 19 r.<sup>o</sup> (239).

Avant ces Lettres, il y a: Mandement pour faire les grands Blancs & Petiz à V deniers de Loy, & autres Monnoyes sur le pié de Monnoyes xxx.<sup>c</sup>



\* Voyez le Mandement du 6 Février 1422, ci-dessus, page 22.

<sup>b</sup> Voyez les Lettres du 23 Novembre 1422 ci-dessus, page 7.